



HØGSKULEN I VOLDA
Volda University College

Nyhendebrev nr. 12, 24. mars 2022

Nyhendebrev frå rektor til tilsette og studentar ved Høgskulen i Volda.

Redaktør: Rektor Johann Roppen, johann.roppen@hivolda.no.

[Tidlegare nyhendebrev og side for påmelding til nyhendebrevet.](#)



Anita Dyb Linge disputerer 3. juni

Anita Dyb Linge har fått godkjent si avhandling på doktorgradsprogrammet i Helse og sosial. Ho skal forsvare avhandlinga i disputas på Høgskulen i Volda fredag 3. juni.

Tittelen på avhandlinga er 'Self-Efficacy and Work-Related Factors Associated With Return to Work in a Vocational Rehabilitation Programme With a Lifestyle Focus – A Prospective Observational Study.'

[LES MEIR](#)



Høgskuledirektøren har sagt opp

[Høgskuledirektør Karen Lomeland Jacobsen](#) har sagt opp stillinga si og vil slutte 1. august 2022. Ho ønsker å kome nærare familien og har fått seg ny jobb i Bergen. Høgskulestyret har møte i neste veke for å starte arbeidet med å tilsette ny direktør. [Les også intervju med Karen Lomeland Jacobsen på Nærnett.](#)

[LES MEIR](#)



X2-festivalen startar i neste veke - på Stadion

Den årlege [X2-festivalen](#) blir arrangert 31.3.-3.4. og skal bruke [fotballhallen på Volda Stadion som festivalarena](#) og med [Terje Håkonsen som eitt av trekkplastra](#). Høgskulen i Volda er også i år ein av støttespelarane til festivalen. [Les meir om festivalen på nettsidene våre.](#)

LES MEIR



Rektorbloggen: Språk og dilemma

Nynorsk, klarspråk, kvalitet - og å tenke kritisk på om ein skal skrive på engelsk eller norsk er sentrale sider ved høgskulens interne språkpolitikk. Men det er knytt dilemma til alle desse fire punkta.

LES MEIR

Studium og studentliv:

Drama- og teaterstudentane om overgrep - og tvil

Studentane på teater- og drama har arbeidd sjølvstendig med å dramatisere eit tungt og vanskeleg tema: Overgrep og blant anna tvil og reaksjonar frå omgjevnadene. [Les meir på nettsidene våre.](#)

Sosialfaga i Volda feirar 50 år: - Det kunne fort ha gått rett gale

Sosialfaga ved Høgskulen i Volda feirar 50 år med ein jubileumskonferanse 31. mars og 1. april. Starten på det heile var eit studium i organisasjons- og velferdsarbeid som starta opp i 1971. Professor Kåre Heggen har sett tilbake på den spennande historia til sosialfaga i Volda, og han seier: Det kunne fort ha gått rett gale heilt frå starten av. [Les meir om jubileet på nettsidene våre.](#)

Matkultur: Trendy vidareutdanning ved Høgskulen i Volda

Høgskulen i Volda tilbyr Vidareutdanning i Matkultur som eit praktisk og teoretisk studium med fokus på matkultur og konservering av mat. Studentane skal tileigne seg praktiske ferdigheiter om tradisjonsmat og kunnskap om korleis matkulturen har utvikla seg frå førhistorisk tid og fram til i dag. Mat er ikkje berre drivstoff for kroppen, men noko som er med på å definere oss som samfunn og personar, seier førsteamanuensis Erik Fooladi som er ein av lærarane på studiet. [Les meir om studiet på nettsidene våre.](#)

Menyen i kantina neste veke

Middagen i kantina har sine faste haldepunkt med pokebowl på onsdag, potetball torsdag og taco på fredag.

Måndag: Vegansk lasagne med salat og brød/Grønsaksuppe

Tysdag: Kebabbuffet/Gulrotsuppe

Onsdag: Asiatiske kyllinglår med juliennegrønsaker og ris/Tom kah suppe med kylling

Torsdag: Potetball med tilbehør/Tomatsuppe med kvitløk

Fredag: Tacobuffet

Alle middagar kostar kr 14,90 pr. hg. Supper kostar kr 35,-.

[Lenke til Sivolda og kantina sine nettsider.](#)

Styre og stell



Slik blir "Aasen-kvartalet" sjåande ut

Volda Utvikling AS har kåra Ratio Arkitekter AS som vinnar av plan- og designkonkurransen for "Aasen-kvartalet". Planen har tittelen "Og den leiken den ville han sjå" og blant anna vil element frå dagens Ivar Aasen-hus bli brukte på nytt i det nye huset. Vinnaren og dei to andre framlegga kan sjåast på [nettsidene til Volda kommune](#).

Canvas Studio blir fasa ut - Panopto kjem i staden

Høgskulen skal slutte å bruke Canvas Studio og i staden ta i bruk systemet Panopto som verktøy for video i undervisninga. Fagtilsette bør ikkje lage nytt materiale i Canvas Studio og heller bruke Panopto. Panopto vil i samarbeid med Høgskulen konvertere video frå Canvas Studio til Panopto. Dette vil ta litt tid, men målet er å få gjort arbeidet før sommarferien. Panopto blir gradvis innført i heile sektoren, og gir betre kvalitet til ein lavare pris. [Les meir om Panopto på nettsidene våre](#).

Sikresiden - i usikre tider

Høgskulen er med i partnerskapet om "[Sikresiden](#)", og denne nettsida har no vorte oppdatert med offisielle lenker under "Nasjonal beredskap og kriser". Sjå også [omtale av Sikresiden på nettsidene våre](#).

Her er årsrapporten for 2021

Høgskulen i Volda's årsrapport for 2021 vart vedtatt av styret 3. mars, men har etterpå vore gjennom språkleg korrektur og grafisk utforming. Rapporten er no ferdig og er å finne på nettsidene våre under "[Styringsdokument](#)". Her er direkte lenke til [Årsrapporten for 2021 som pdf-fil](#).

NM i volleyball i Volda: Parkeringsplassane ved VCA er stengt 1.-3. april

KFUM Volda arrangerer NM i volleyball for 15-åringar 1.-3. april 2022 i Volda Campus Sparebank1 Arena. I samband med turneringa vert parkeringsplassane i parkeringskjellaren og ved VCA reservert for arrangøren og er ikkje tilgjengelege for HVO-tilsette og studenter. Dette vil bli skilta/markert. Les meir om arrangementet på denne nettsida: <https://www.nm2022.no/>

Fag og forskning

Tilsette blir oppmoda til å legge ut informasjon om interne seminar og faglege arrangement på kalenderen på www.hivolda.no.

Feiring av dei "opprykte"

Nærare 30 tilsette ved Høgskulen i Volda har fått faglege opprykk i åra 2019, 2020 og 2021. På ei opprykksmarkering på Rekkedal Gjestehus vart det gjort litt ekstra stas på dei opprykte. [Les meir om kven som har fått opprykk på nettsidene våre](#).

100 deltakarar på fellessamling for partnarskular

Høgskulen i Volda har mange partnarskular som samarbeider om praksisdelen av lærarutdanninga, og no har heile 100 lærarar frå praksisskular vore samla i Ulsteinvik under temaet "Skaparglede i skulen", med innlagt besøk hos vår partner [Skaparhuset](#) i Ulsteinvik. [Les meir på nettsidene våre](#).

Pensumlister for hausten 2022: Klare for redigering i Leganto

Biblioteket har no lagt til rette for at pensumlistene for hausten 2022 kan redigerast i Leganto. Som tidlegare år er det pensumlistene frå i fjor haust som no er kopierte over til hausten 2022 for vidare redigering og oppdatering. Ta kontakt med biblioteket om du ikkje finn "di" pensumliste, og hugs å trykke "Send til biblioteket" etter at du er ferdig å redigere. Frist for pensumlistene er som tidlegare år 15. mai. Alle tilsette har fått meir detaljert informasjon om dette. [Les meir om Leganto på nettsidene våre](#).

Publisering: Send gjerne tips!

Det er veldig kjekt å melde om nye publiseringar og formidling i nyhendebrevet, så send meg gjerne informasjon når du har lenke til ei bok, ein tidsskriftartikkel, ein kronikk eller anna du har fått publisert, og skriv gjerne også ei setning eller to om kva publiseringa handlar om. [Hugs også på å registrere publiseringane dine i Cristin.](#)

Gratis nettkurs om folkehelsearbeid frå HVO-tilsette

Fagfolk ved Avdeling for samfunnsfag og historie har på oppdrag frå Helsedirektoratet utvikla eit nettkurs for kommunar og fylkeskommunar om kvalitative data i folkehelsearbeidet. [Førstelektor Gro Anita Bårdseth](#) og [førsteamanuensis Ellen Strøm Synnevåg](#), begge AHL, har [omtala nettkurset i Tidsskriftet Plan](#).

Nye rapportar, studentoppgåver og andre arbeid

Arkivet "Bravo" er Høgskulen i Voldas nettstad for formidling av bachelor- og masteroppgåver, forskingsrapportar og andre arbeid. Arkivet er gratis tilgjengeleg for alle på nettsidene til biblioteket ved Høgskulen i Volda. [Nye bidrag i Bravo finn du her.](#)

Nominer kandidatar til FoU-prisen innan 12. mai

Fram til 12. mai kan tilsette og studentar ved HVO nominere kandidatar til FOU-prisen for 2022. Prisen blir tildelt av høgskulestyret, og blir delt ut på Forskningsdagane 23. september 2022. Her er [informasjon om prisen, retningslinjer for tildeling og tidlegare prisvinnarar](#).

Forskningsutvalet: Ny utlysing av såkornmidlar - frist 16. mai

Forskningsutvalet tildelte på møtet 17. februar såkornmidlar for 2022 på ca. Halvparten av det budsjetterte beløpet på kr 900.000. Forskningsutvalet vedtok å lyse ut midlane på nytt med søknadsfrist 16. mai og tildeling 2. juni. Midlane må brukast i 2022. [Les meir om såkornmidlar og søknadsskjema.](#)

11 millionar å hente frå Regionalt Forskningsfond for Møre og Romsdal

Regionalt Forskningsfond for Møre og Romsdal har tilgjengeleg midlar som forskarar ved Høgskulen i Volda kan søke på. Den største ordninga er kalla [Kvalifiseringsprosjekt](#) som har som formål å "Styrke forsknings og innovasjonsevnen til næringsliv og kommunal sektor i Møre og Romsdal, og bygge

relevant kunnskap hos FoU-miljøa". Søknadsfristen er løpande og det er 10,5 mill tilgjengeleg. Ei anna ordning under RFF er kalla [KSP \(Kompetanse- og samarbeidsprosjekt\)](#) og her er det tilgjengeleg kr 750.000 og det er også løpande søknadsfrist. [Seniorrådgivar Bjørn Tafjord](#), ASH, kan svare på spørsmål om ordningane.

Ledige stillingar

[Sjå alle ledige stillingar på nettsidene våre.](#)

Ledig stilling som senterleiar for Nynorsksenteret - søknadsfrist 24. mars 2022 (forlenga frist)

Nynorsksenteret ser etter ein inkluderande leiar med engasjement, gode samarbeidsevner og evne til strategisk tenking. Vi ynskjer oss ein leiar med leiarerfaring, som kan drive internt utviklingsarbeid og bygge ein lærande organisasjon. Leiaren har personalansvar og budsjettansvar. [Les meir om stillinga og send inn søknad på nettsida vår.](#)

Studiekonsulent ved Avdeling for samfunnsfag og historie - søknadsfrist 29. mars

Ved Høgskulen i Volda, Avdeling for samfunnsfag og historie er det frå 1. august 2022 ledig 100 % fast stilling som studiekonsulent. Stillinga er i avdelingsadministrasjonen, med administrasjonssjef som næraste overordna. Den som vert tilsett vil også samarbeide tett med fagtilsette og studieadministrasjonen ved høgskulen. [Les meir om stillinga på nettsidene våre.](#)

Høgskulelektor i design, kunst og handverk - for bidrags og oppdragsmarknaden - søknadsfrist 30. mars

Ved Høgskulen i Volda, Avdeling for kulturfag, er det ledig 100% fast stilling som høgskulelektor i design, kunst og handverk retta mot bidrags- og oppdragsfinansiert aktivitet (BOA-aktivitet). Dersom det ikkje melder seg søkar som innfrir krava til tilsetjing som høgskulelektor, vil det vere aktuelt å tilsetje ein høgskulelærer som kan dokumentere opptak og normert progresjon på ei relevant mastergrad. [Les meir om stillinga på nettsidene våre.](#)

Førsteamanuensis i film- og animasjon - søknadsfrist 4. april

Ved Høgskulen i Volda, Avdeling for mediefag, har vi ledig ein 100% fast stilling som førsteamanuensis ved Institutt for film og animasjon, frå 1.12.2022. Oppstart kan justerast etter avtale. Stillinga gjeld undervisning i film- og animasjonsvitskap og rettleiing av praktiske og vitskapelege oppgåver. [Les](#)

[meir om stillinga på nettsidene våre.](#)

Førsteamanuensis/førstelektor/høgskulelektor i engelsk litteratur/kultur og didaktikk - søknadsfrist 19. april 2022

Ved Høgskulen i Volda er det ledig ei mellombels 100% stilling som førsteamanuensis/førstelektor/høgskulelektor i engelsk litteratur/kultur og didaktikk frå 1.8.2022 til 30.06.2023. Stillinga er knytt til Institutt for språk og litteratur ved Avdeling for humanistiske fag og lærarutdanning. [Les meir om stillinga og send inn søknad på nettsidene våre.](#)

Ledig stilling som professor/dosent/førsteamanuensis/førstelektor i leiing - søknadsfrist 20. april 2022

Ved Høgskulen i Volda, Avdeling for samfunnsfag og historie, er det ledig fast stilling som professor/dosent/førsteamanuensis/førstelektor i leiing, med planlagt tilsetjing frå 1. august 2022. Stillinga er ved Institutt for planlegging, administrasjon og skuleretta samfunnsfag (IPAS), og primært ved programma Bachelor i planlegging og administrasjon og Master i samfunnsplanlegging og leiing. [Les meir om stillinga og send inn søknad på nettsida vår.](#)

Stipendiatstillingar i barnevernsarbeid - søknadsfrist 1. juni 2022

Høgskulen i Volda søker etter stipendiatar ved Avdeling for Samfunnsfag og historie, Institutt for sosialfag (ISF). Vi ønskjer søkarar som har relevante forskingsprosjekt på området barnevern/barnevernsarbeid, gjerne med problemstillingar innanfor: Minoritetsarbeid, tverrprofesjonelt/tverretatleg samarbeid (barnevern-barnehage-skule-PPT-Bup), arbeid med barn og familiar, juridiske problemstillingar med relevans for barnevernsarbeid.

[Les meir om stillinga og send inn søknad på nettsida vår.](#)



Kultur



Idrett

Idrett, musikk, teater m.v. i Volda og Ørsta. Kampar til VSI (Volda Studentidrettslag), handball og volleyball.

Kinoprogrammet: [Volda filmteater](#) | [Ørsta kino](#) | [Hjørundfjord filmteater](#) (filmklubb)
Arrangement på [Tikkio Volda](#) | [Tikkio Ørsta](#) | [Ticketmaster Volda](#) | [Ticketmaster Ørsta](#)

24.03.2022: [Konsert og bokslepp med Stig Ulv](#), Ørsta kulturhus
26.03.2022: [Haugtussa](#), Aasantunet
27.03.2022: Volleyball, menn: [VSI - Breimsbygda](#), Honndalshallen
27.03.2022: Volleyball, menn: [VSI - Studentspretten](#), Honndalshallen
28.03.2022: [Heia Fotball](#), Rokken
31.03.-03.04.2022: [X2-festivalen](#), Volda/Ørsta
01.-03.04.2022: [NM Volleyball, U15](#), VCA
02.04.2022: [Jazzkafé \(Jazzklubben\)](#), Tredet
05.04.2022: [Tysdags-kviss](#), Tredet
07.04.2022: [Funkups](#), Tredet
15.04.2022: [Pastor Rex](#), Fugl Føniks
16.04.2022: [DJ Rune](#), Fugl Føniks
16.04.2022: [Broad Line - påskefest](#), Ørsta Kulturhus
19.04.2022: Fotball, menn: [Volda - Ålesund 2](#), Volda Stadion
20.-24.4.2022: [Den norske dokumentarfilm-festivalen](#)
23.04.2022: [Volda bilmesse 2022](#), Sparebank1 Hallen (Volda Stadion)
23.04.2022: [Jazzkafé \(Jazzklubben\)](#), Tredet
24.04.2022: [Dyrk enkelt med drivhus v/Maria Berg Hestad](#), Ørsta kulturhus
29.04.2022: [Lizz-konsert](#), Tredet
30.04.2022: [Beady Belle \(Jazzklubben\)](#), Rokken

Møte, seminar og anna på HVO:

[Oversyn over møte og sakspapir til sentrale råd og utval ved HVO.](#)

24.3.2022: [Nettverkstreff: Nettverk for kvinner innan forskning ved HVO](#)
24.-25.3.2022: Avd.seminar ASH
31.3. - 1.4. 2022: [Jubileumsmarkering: Sosialfag 50 år](#)
8.4.2022: Disputas, [Bjørn Kjetil Larsen](#), Høgskulen i Volda
19.-20.4.2022: Personalseminar AKF
20.4.2022: [Utdanningsutvalet](#)
21.4.2022: [Forskingsutvalet](#)
22.4.2022: [50-års jubileum for Avdeling for mediefag](#)
25.4.2022: [The Northwest](#), Ålesund

25.-26.4.2022: [ITS Volda](#), internasjonalt seminar om lærerutdanning
26.4.2022: Gjesteføreling - FNs berekraftsmål
4.-8.5.2022: [European Conference on Science and Theology \(ECST XIX\)](#) (Ålesund)
5.5.2022: [Høgskulestyret](#)
11.5.2022: HMS-dag på HVO
17.5.2022: 17.mai-feiring. Faneberar: AKF
1.6.2022: [Utdanningsutvalet](#)
2.6.2022: [Forskningsutvalet](#)
2. - 3.6.2022: Avdelingsseminar AMF
03.06.2022: Disputas, [Anita Dyb Linge](#), HVO
16.6.2022: [Høgskulestyret](#)
16.-17.6.2022: [Fjordkonferansen 2022](#), Loen
9.6.2022: Sommaravslutning AKF
20.6.2022: Sommaravslutning ASH
22.6.2022: Sommaravslutning AMF
16.8.2022: [Studiestart studieåret 2022-2023](#)
16.11.2022: 100-årsmarkering for Henrik Kaarstad-huset

Faste lenker:

LEDIGE STILLINGAR VED HØGSKULEN I VOLDA

<https://www.hivolda.no/stilling>

REKTORBLOGGEN

[Nynorsk og engelsk, klarspråk og kvalitet. Og litt om dilemma](#) (15. mars 2022)

[Opning av opprykksseminar, 8. mars 2022](#)

[Orientering til høgskulestyret, møte 3. mars 2022](#) (3.3.2022)

[People of Ukraine: We support you](#) (26.02.2022)

[Alle innlegga på rektorbloggen](#)

HVO PÅ SOSIALE MEDIA MM.

[Facebook](#)

[Twitter](#)

[Instagram](#)

[Youtube](#)

[HVO-blogger](#)

[Nynorsksenterets blogg.](#)

[Løpande oppdatering av straumproduksjonen i solcelleanlegget](#)

STUDENT- OG ØVINGSMEDIA:

[Knaggen](#) (portal for studentmedia)

[Studentradioen](#)

[Radio Volda](#)

[Nærsynet](#)

[Nærnett](#)

Høgskulen i Volda

Tlf: [70075000](tel:70075000)

E-post: postmottak@hivolda.no

[Personvern](#)



[Endre kontaktinfo](#)

[Meld deg av e-postlista](#)